



**DIA 4 DI NOVEMBER TA DIA DI E
“ONDERWIJS CONGRES 2024”
PA TUR DOCENTENAN DI SKOA -
TUR SCOL LO TA CERA PA E
DIA AKI**



WWW.SOLODIPUEBLO.COM



SOLODIPUEBLO@GMAIL.COM

**KIA CU OTRO
PROYECTO
EXITOSO PA NOS
DETENIDONAN “TUR
COS TA POSIBEL”**



**A orden’e pone e cuchiu abao y a los 2 tiro di advertencia
HOMBER CU A BAY RIBA 3 POLIS CU
CUCHIU A WORDO TIRA**

**PROYECTO DI MONUMENTO HISTORICO DI SEROE
COLORADO LO TIN UN IMPACTO POSITIVO PA ARUBA,
PERO ESPECIALMENTE PA SAN NICOLAS**



**CAMPAÑANDO DI CAS PA
CAS HIBANDO E MENSAHE
DI PARTIDO MEP PA
PUEBLO DI ARUBA**

Prome Minister Evelyn Wever-Croes:

PROYECTO DI MONUMENTO HISTORICO DI SEROE COLORADO LO TIN UN IMPACTO POSITIVO PA ARUBA, PERO ESPECIALMENTE PA SAN NICOLAS

Diahuebs mainta durante un conferencia di prensa di Gobierno di Aruba, Prome Minister a anuncia cu lo cuminsa cu e destaho publico pa cu e proyecto di Monumento di Seroe Colorado y San Nioclas, na honor di e 47 personanan cu a muri den e atake di Alemania contra Aruba durante e di dos guerra mundial.

Prome Minister a indica cu e proyecto aki ta uno historico y cultural y cu lo tin un impacto sumamente positivo pa Aruba en general pero especialmente

pa San Nicolas. E proyecto aki no solamente lo bira un lug a cu nos localnan por bishita y recorda e papel importante cu Aruba a hunga durante e guerra aki, sino tambe lo bira un atraccion turistico cu lo genera entrada pa Aruba y San Nicolas en particular.

Segun pronostico di varios tour operador, cu e “tour” aki, San Nicolas lo cuminsa haya di 400 pa 600 turista riba pia tur dia. E tournan lo ta parti mainta y merdia y lo duna oportunidad na e bishitantenan pa por compra cuminda, bebida,



souvenirs y artesanian a e tienda y kioskonan cu Gobierno lo percura pa tin eynan. Esaki ta un oportunidad grandi no solamente pa tiendanan existente sino tambe

pa negoshinan chikito cuminsa surgi, cu e posibilidad cu den poco tempo nan negoshi lo por engrandece.

Prome Minister ta

sumamente contento cu e proceso di destaho pa cu e proyecto aki porfin por inicia y ta gradici tur esnan cu di un of otro manera a haci esaki posibel.

MERCADO DI BUKI SEGUNDA MANO

Pa tur cu gusta lesa y colecta buki, biblioteca ta organisa un Mercado di buki. Esaki ta habri un siman largo, di dia 4 pa dia 8 di november 2024. E

mercado di buki ta habri di 8 or pa 5 or di atardi.

Un bon oportunidad pa wak den un cantidad grandi di buki pa topiconan y storia

interesante y diferente. Bukinan ta bay na prijs di 1 florin pa buki. Tin algo pa tur gusto y interes. Un y tur ta bon bini!



Corte di Prome Instancia 1 november 2024

Horario	Sospechoso	Acto Castigabel
08.30	E.E.E.L.	L. ta wordo acusa di a causa un accidente di trafico mortal riba 18 di maart 2024.
11.00	M.G.F.R.	R. ta wordo acusa di a viola ley di droga y falsificacion di documento riba 25 di maart 2024.

Minister Rocco Tjon:

KIA CU OTRO PROYECTO EXITOSO PA NOS DETENIDONAN “TUR COS TA POSIBEL”



Recientemente, Minister di Husticia y Asuntonan Social sr. Rocco Tjon, a bishita nos instituto coreccional KIA, den cuadro di e proyecto cu a finalisa, esta “tur cos ta posibel”. A manda palabranan di pabien na tur esnan cu a haci esaki posibel, incluyendo fundacionnan manera ARTISA, kende ta un stakeholder sumamente importante, mirando cu e proyecto a enfoca riba e parti di moda y arte, especificamente pa e grupo di hende muhe na KIA.

Manera ta conoci, algun tempo atras a ehecuta e proyecto aki pa nos hobennan na KIA. Actualmente, a base di e proyecto aki, tin un hoben na Italia, cu for di momento cu el a sali for di KIA, a haya e oportunidad pa participa na un proyecto na Italia, caminda e ta haci trabou boluntario y alabes ta enfoca riba e parti di musica.

E ultimo temponan, a inverti hopi den nos instituto coreccional,



specificamente pa loke ta wordo ofreci na nos detenidonan. Asina, a haci entrega di diferente certificado cu ta toca diferente parti manera, welder, entrepreneurship, business, como tambe barberia. Pues, lo sigui enfoca riba e tipo di cursonan aki, mirando cu a haci un evaluacion bou di tur nos detenidonan, pa asina wak kico ta e nivel di experiencia cu nan tin, pero tambe kico tin nan interes.

Banda di esaki, na september, Ministerio di Husticia y Asuntonan Social a manda un carta pa Hulanda. Asina por bisa cu e peticion cu a entrega a wordo aproba y esaki ta practicamente pa tres proyecto. Dos proyecto lo enfoca mas riba e parti di e cuido pa e detenido pa di e forma ey por garantisa, no solamente mas educacion y cursonan pa nos detenidonan, pero tambe por brindanan mas oportunidad di trabou.



Alabes, a yega na otro pa loke ta e proyecto pa yega na un prizon nobo. UNOPS, kende ta e organisacion cu a traha e business case pa Sint Maarten, lo bay traha esun pa Aruba tambe y esaki lo bay wordo aproba. Pues, un paso sumamente importantante pa asina por cuminsa e combersacionnan cu

Hulanda, pa asina wak con por yega na financiamiento pa un prizon nobo.

Por ultimo, e mandatario a manda palabranan di pabien na tur esnan cu a haci e proyecto aki posibel, particularmente e trahadonan di KIA, pasobra sin nan esfuerso ningun proyecto den KIA lo por ta exitoso.

Clasificados

CLASIFIEDS

SOLODIPUEBLO@GMAIL.COM
CEL. 585 9500

SOLO Di Pueblo



Noticia di Corte

A orden'e pone e cuchiu abao y a los 2 tiro di advertencia

HOMBER CU A BAY RIBA 3 POLIS CU CUCHIU A WORDO TIRA-1-

Den Corte di Husticia awe mainta a trata e caso penal cu Ministerio Publico a cuminsa contra e homber Colombiano R.M. biba na Aruba. Tin dos caso contra R.M. caminda tur dos biaha el a menaza agentenan di Polis. E di dos caso e menaza tabata hopi mas serio. E tabata un intento di mata y esey a pone cu Polis a tir'e.

SOLO DI PUEBLO por a compronde cu apesar cu e 3 agentenan di Polis a ordena R.M. pa pone e cuchiu abao, el a sigui bay riba nan cu e cuchiu. A los dos tiro di advertencia y despues a tir'e.

MENAZA TRES AGENTE DI POLIS

Den Corte Fiscal a presenta dos acusacion. E promer acusacion ta cu R.M. riba 16 December 2021, el a menaza 2 agente di Polis cu morto y tambe a haci destruccion den un cel na warda di Polis, Macuarima. Tambe e ta wordo acusa di intento di mata y menaza di 3 agente di Polis, riba 20 December 2021. E dia ey R.M. tabatin

cu cuchiu den man y bay riba nan. Hues a bisa cu anterior riba peticion di abogado, a pospone tratamento di e promer caso pa laga psicologo evalua R.M. pasobra e tabata bati su cupra den cel na warda di Polis. Ta asina cu Fiscal a exige trabao pa comunidad. E caso a keda pospone te awor.

POLIS A TIRA

Hues a cuminsa cu e caso di 20 December 2021, caminda R.M. a bisa Hues cu e dia ey, Polis a saca arma p'e den e cas. El a bisa Hues cu algun dia promer el a sali for di warda di Polis y e tabata hopi depresivo. El a bisa cu 3 agente a baha for di promer piso di e cas y R.M. a bay tras di nan cu cuchiu den man y tabata discuti cu un di e agentenan. R.M. a bisa Hues cu un di e agentenan a bis'e pa benta e cuchiu abao. Segun R.M., di biaha el a scucha 3 tiro. Segun R.M., dos tiro tabata di advertencia y un tiro tabata dirigi riba dje y a herid'e. Hues a remarca pakico R.M.

a bay cu cuchiu riba e agentenan di Polis. Segun R.M., ora e sinti panico e ta reacciona asina. Hues a remarca pakico a bay tras di e agentenan cu cuchiu den man. Segun R.M., su intension no tabata nada malo.

Hues a bisa cu e agentenan di Polis a haci denuncia di intento di asesinato. Nan a bisa cu nan a bay na e cas na Paradijs na Playa pa asisti un dama den dificultad. Via fundacion Hende Muher Den Dificultad a bay yuda. A compaña e dama pa bay e cas pa e coy su cosnan pasobra el a caba relacion cu R.M. Den e cas a topa cu R.M. y un agente a yuda e dama coy su cosnan. Ora nan a caba y tabata baha trapi, R.M. a bay cu cuchiu nan tras. E agentenan ta declara cu pafor di e cas a ordena R.M. pa benta e cuchiu abao. E no kier a haci caso. A los 2 tiro di advertencia y asina mes R.M. a sigui bay cu cuchiu riba nan. E agentenan a describi cu R.M. tabatin e cuchiu den man na halto manera e kier hinca nan. E ora ey a los un tiro riba dje. Ora cu R.M. a cay riba caminda, a kita cuchiu for di dje y a yama ambulance. E agentenan a bisa cu nan a sinti nan mesa menaza.

Hues a bisa cu R.M. a keda gravemente herida y a keda 3 luna den hospital. Te 1 September 2022 el a wordo deteni pa loke a sosode casi 1 año promer.

Hues a muestra cu R.M. a declara cu un di e agentenan a papia fresco cun'e y a surgi discusion y e agente a saca su arma pone na banda. R.M. a bisa cu e ta un patient psiquiatrico y e situacion ey a pone cu el a perde cabez. El a coy cuchiu y bay tras di e agentenan. Pafor di e caso, e agentenan a bis'e pa pone e cuchiu abao. Un agente a tira den halto, un otro agente a tira abao y esun cu e tabatin discusion cun'e a tir'e. E tiro a perfora su higrá. Segun R.M. e sa cu e tabata fout

pero ningun momento su intension tabata pa hinca e agentenan. El a bisa cu e mester a haya 5 operacion. Te 17 Maart 2022 el a sali for di hospital. Dos biaha el a haya infeccion. El a splica Hues cu el a keda cu presion halto y no por traha hopi tempo. Maximo 1 lunar y mitar pasobra e ta haya dolor. Hues a bisa cu segun raport medico, a perfora R.M. su higrá y mester a haci pasa basta operacion.

RECLASERING

Hues a bisa cu e raport di Reclasering ta muestra



Het Land Aruba is voornemens in het openbaar aan te besteden, het door de Tourism Product Enhancement Fund te financieren project:

"Het verfraaien rondom bunker's te Sero Colorado".

Volgens bestek DOW nr. 15 dj. 2024.

Korte omschrijving van het werk:

- Het freeze van een deel van het asfalt weg en bestaande parkeerplaats;
- Het aanleggen van looppad met betonnen band en city line pavers rondom de bunker's;
- Het storten van betonvloeren;
- Het construeren van twee betonnen poeren t.b.v. twee vlaggenmasten;
- Het inrichten van een parkeerplaats met natuursteen belijning;
- Het aanbrengen van een hefboom t.p.v. parkeerplaats;
- Het aanbrengen van groenvoorziening;
- Het construeren van een betonnen muur t.b.v. een panel board.

Uitvoeringstermijn: 60 werkbare werkdagen na datum van opdrachtbrief, incl. bestellingstijd.

Het bestek is vanaf 01 november 2024 verkrijgbaar bij DOW tegen betaling van Afl. 250,00.

De betaling te voldoen bij de kassier van de Dienst Openbare Werken (DOW). De openbare bescheiden liggen ter inzage vanaf 01 november 2024 te DOW bij het Secretariaat van de Directie.

Inlichtingen worden verstrekt op 13 november 2024 om 10.00 uur v.m. te DOW. De Nota van Inlichtingen wordt vastgesteld op 20 november 2024. De openbare aanbesteding vindt plaats op 27 november 2024 om 11.00 uur v.m. op het kantoor van de directeur van de Dienst Openbare Werken.

- De inschrijver moet bij zijn inschrijving de volgende vereisten overleggen:
1. Bewijs van inschrijving in het register van de Kamer van Koophandel van Aruba. (niet ouder dan 6 maanden).
 2. Bereidheidsverklaring tot het instellen van een bankgarantie of borg.
 3. De staat van eenheidspreisen voor verrekening van meer- en minderwerken.
 4. Een lijst van in te schakelen onderaannemers.
 5. Overige vereisten opgenomen in het bestek.

Inschrijving dient te geschieden op het bij het bestek gevoegde en gewaarmerkte inschrijvingsformulier.

Clasificados

SOLODIPUEBLO@GMAIL.COM

CEL. 585 9500

ARUBA BANK TA SOSTENE CONCIENTISACION DI CANCER DI PECHO



aki.

Aruba Bank su donacion lo yuda nan pa sigui cu nan trabou di promove conscientisacion, y informa e comunidad tocante importancia di deteccion tempran y di tratamiento di e malesa aki.

E banco ta invita comunidad pa sigui apoya e iniciativanan cu ta haci un diferencia real.

Aruba Bank ta kere den duna bek na nos comunidad, y nan lo continua na sostene iniciativanan cu ta promove un mihor salud y bienestar riba nos isla.



Oranjestad, 31 di oktober, 2024: Aruba Bank a bishita tres organisacion; Mary Joan Foundation, Stichting BOB, y Cancer Care Center Aruba, pa entrega un donacion cu lo contribui directamente na nan esfuerso pa promove conscientisacion di cancer di pecho y ayudo na esnan

den necesidad. Den cuadro di luna di conscientisacion di cancer di pecho, Aruba Bank ta reconoce e rol importante cu e organisacionan aki ta ofrece, educacion y prevencion pero tambe asistencia na esnan cu ta pasa den e enfermedad



STATEN VAN ARUBA

OPENBARE VERGADERING OP 5 NOVEMBER 2024 OM
09:00 UUR V.M. IN DE VERGADERZAAL VAN DE STATEN VAN ARUBA

TE BEHANDELEN ONDERWERP

Agenda:

1. Toelichting door de Minister-President inzake haar directe politieke inmenging in de Openbare Ministerie als autonoom orgaan.

De Griffier,

mr.drs. Herman Ch. J. Hek

Dentista Zeraida Romero

ANUNCIO

Dia 31 di Oktober 2024, mi contract di 24 aña cu AZV a termina, manera ta stipula den e contracto cu AZV, y cu esaki mi servicio como dentista despues di casi 40 aña.

Esaki ta encera cu tur pashent cu ta inscribi na AZV cu dentista Zeraida Romero lo pasa automaticamente awor pa dentista **Michella Rasmijn**, cu tin 20 aña como dentista y mas cu un aña **na mes un Clinica na adres Santa Cruz 39-D (pabow Rotonde Santa Cruz)** y cu mes un team.
(Tel. 585-8239)

Asegurado di AZV cu ta desea otro dentista, por hasi esaki via AZV su app.

Dentista Michella Rasmijn, lo sigui cu duna servicio dental completo pa tur pashentnan particular, pashent di AZV y pashent cu seguro priva.

Masha danki pa boso confianza
Dentista Zeraida Romero.

A orden'e pone e cuchiu abao y a los 2 tiro di advertencia

HOMBER CU A BAY RIBA 3 POLIS CU CUCHIU A WORDO TIRA-2-

cu segun R.M., ta Polis a provoca su actuacion. Door di su problema mental el a actua asina. Desde 1992, R.M. a bin Aruba. R.M., door di depression, un biaha a purba mata su curpa. Reclasering ta haya cu R.M. mester cay bou guia pa monitor cu e ta tuma medicamento.

PSYCOLOGO

Psycologo ta haya cu R.M. no tin problema psiquiatrico pero si cu door di uso di alcohol, cocaina y depresividad a pone actua asina. E tempo ey, R.M. tabata bebe hopi y tabata bou influencia ora e tiramento a sosode. Psycologo ta haya cu R.M. ta menos responsabel pa su actonan. Psycologo ta muestra cu e chens ta grandi, cu si R.M. cay den stress grandi, R.M. lo bay usa alcohol y droga. Pesey R.M. mester haya tratamiento.

Segun R.M., desde 11 Augustus 2022 el a bay Stichting Hunto y e aña aki el a caba e tratamiento completo cu ta encera psiquiatrico y pa no cay bek den alcohol y droga.

FISCAL

Fiscal a bisa Hues e caso di 16 December 2021 ya tin un exigencia. Tabatin menaza di 2 agente di Polis y destruccion na warda di Polis. Fiscal ta haya e caso di 20 December 2021, ta legalmente proba cu R.M. a bay cu cuchiu riba 3 agente di Polis. Fiscal a bisa cu e tres agentenan a haci denuncia y ningun a bisa cu a saca arma den e cas. E unico hende cu ta papia di saca arma ta R.M. Pesey Fiscal ta haya cu no tin prueba pa esey. Pa cu e castigo, Fiscal a bisa cu e ta tene cuenta cu e raport di psycologo cu R.M.

ta menos responsabel pa su actonan. Tambe Fiscal a tene cuenta cu raport di Reclasering. Fiscal a bisa cu e ta tene cuenta tambe cu e caso ta basta tempo pasa. Fiscal ta contento di tende cu R.M. a haya tratamiento pero e ta haya cu lo ta bon pa keda bao guia di Reclasering. Fiscal no ta kere cu R.M. mester bay KIA. El a exige 30 dia di prison, di cual 20 dia ta condicional cu un tempo di prueba di 2 aña y bou guia di Reclasering.

ABOGADO

Mr. Carlo a bisa Hues cu R.M., riba su mes a bay busca ayudo. E abogado a muestra cu na Colombia R.M. a pasa den hopi cos tristo. Dos ruman di dje a wordo mata y un ruman ta sicario den un grupo. E abogado a bisa cu esaki a afecta R.M. masha hopi.

Abogado ta haya cu agentenan no a actua professional y esey a pone cu R.M. a actua asina. E ta haya cu mester declara R.M. liber. El a bisa cu R.M. tabata papia Spaño cu e agentenan y no a papia Papiamento. El a bisa cu R.M. a bisa e agente cu e ta duro pasobra cu e ta cu e otronan y e ta geboei. El a bisa pakico e no ta bay su so riba dje y kita su boeinan. El a invita e agente pa bringa. Segun abogado, na warda di Polis, 3 agente a bati R.M. Den su rabia, R.M. a kibra un baki di sushi na warda di Polis, Macuarima. El a cana di Macuarima te Paradijs na Playa ora el a wordo laga liber dia 20 December 2021.

E abogado a bisa Hues cu Polis a presenta na e cas cu R.M. su ex pareha. Na dado momento un agente lo a saca su arma y zwaai esaki. R.M.

a bira depresivo y a pasa man pa un cuchiu. El a bay nan tras y un agente a tir'e. El a keda 3 luna interna den hospital y a keda afecta pa por haci trabao den construccion. E abogado a bisa cu 1 aña largo, R.M. tabata bou guia di Reclasering y riba su mes a bay rehabilita di adiccion na alcohol y droga. E abogado a sigui bisa cu R.M. tambe a haya tratamiento pa su depresividad. El a conclui cu mester declara R.M. liber. Na opinion di abogado, hopi tempo a transcuri y no ta na su lugar pa duna castigo.

SENTENCIA

Hues, despues di a scucha R.M. su ultimo palabra, a sera tratamiento di e caso y a dicta sentencia di biaha. Hues a bisa cu e ta haya legalmente proba cu R.M. a kibra un baki di sushi y un porta di cel na warda di Polis. Tambe Hues ta haya legalmente proba cu R.M. a menaza e 2 agentenan. Den caso cu a coy cuchiu y bay tras di 3 agentenan di Polis, Hues ta haya esaki ta un menaza tambe. Pa cu e castigo, Hues a tene cuenta cu raport di Reclasering y Psycologo. Tambe a tene cuenta cu e casonan ta bieu, esta di 2021. Hues ta haya cu mester pone R.M. bou guia di Reclasering, pa Reclasering dicidi si R.M. mester di mas tratamiento of no. Hues a condena R.M. na 20 dia di prison di cual 12 dia ta condicional cu 2 aña di prueba. E periodo di prueba lo ta bao guia di Reclasering. Hues ta haya importante pa R.M. sigui usa medicamento.

ACTIVIDAD ATARDI PA MUCHA NA BIBLIOTECA

Otro siman tin actividad 4 dia tras di otro na biblioteca pa tur mucha, 2 actividad na biblioteca Playa y 2 na biblioteca na San Nicolas. Esaki pa Festival di Buki pa Mucha.

Tur mucha ta bon bini y tur actividad ta gratis. Autor y ilustrador ta presenta nan buki y diferente storia. Tambe tin cantamento y musica. Presentacionnan ta interactivo.

1. Liliana Erasmus y Danielle Schothorst ta presenta na biblioteca O'stad, dialuna 3or.
2. Mercee Doran y Tio Ali ta presenta na biblioteca San Nicolas, diamars, 3or.
3. Vannesa Paulina, Segni Bernabela y Crisen Schorea ta na biblioteca O'stad, diaranson 3or.
4. Misha Spanner y Ralph Cantave ta presenta na biblioteca San Nicolas, diahuebs 3or.



MINISTER GEOFFREY WEVER A DUNA PRESENTACION EDUCATIVO OVER SDG'S NA ALUMNONAN DI ST. ANNASCHOOL



E siman aki Minister Geoffrey Wever a bishita alumnonan di 6e klas di St. Annaschool, den cuadro di e metanan di desaroyo sostenibel (Sustainable Development Goals (SDG's)). Desde aña pasa october, Minister Geoffrey Wever ta bishitando semanalmente un basisschool y St. Annaschool ta e di 27 scol

basico cu Minister Wever a bishita pa contribui na educacion di e alumnonan over desaroyo sostenibel y e SDG's.

E alumnonan di St. Annaschool a participa activamente contestando hopi pregunta y dunando tambe nan comentarionan. Minister Geoffrey Wever a splica e alumnonan cu

tur e 17 SDG's ta conecta cu otro y a intercambia cu e alumnonan over, entre otro, e importancia di enseñansa di calidad (SDG #4) y trabou decente (SDG #8) pa elimina pobreza (SDG #1), e importancia di energia limpi y economico (SDG #7) y accion riba clima (SDG #13) pa un desaroyo sostenibel y reduccion di desigualdad (SDG #10).

Tambe inicia e campaña di conscientisacion over e importancia di spaar for di un edad jong den cuadro di e 'National Children Savings Program'. Minister Geoffrey Wever a haci entrega di e poster pa scol basico na Cablesante



sra. Myrilla Hsing-Raven. A splica e alumnonan tambe cu spaar for di edad jong ta yuda avansa tambe entre otro SDG #10 pa reduci desigualdad. Door di promove inclusion financiero y provee acceso na oportunidadnan pa spaar pa tur mucha, nos por reduci desigualdad economico y sigura cu tur hende tin un oportunidad

husto pa construi un futuro financiero sigur.

Minister Geoffrey Wever: "Mi ta gradici Cablesante di St. Annaschool, maestra y maestro di klas 6 y e alumnonan di klassen 6 pa a ricibi nos y pa a participa hopi activamente na e presentacion educativo over SDG's. Danki!"

BOOSHI WEVER: CANTIDAD VS CALIDAD!

Despues di a constata cuanto partido lo participa den e siguiente eleccion, ta surgi e pregunta di cantidad versus calidad. E cantidad di e partidonan lo eleva e calidad cu política y vooral gobernacion lo wordo hiba riba nos Isla? E pregunta ta di sumo importancia pasobra e contesta lo determina si ta vale la pena pa bay vota. Un ehempel ta e partido cu mi ta co-fundador. E no a logra e cantidad di firma pa participa. Mi mester remarca cu siman pasa mi a scucha un declaracion di e lider actual cu a pone e fundeshi di UPP sacudi ora ela declara cu un ilegal cu wordo gara ta traha

mester lag'e keto! Esaki pami no ta acceptable sin cumi kier bay den detaye.

Algun siman pasa mi a saca un articulo na unda mi a vocifera mi preocupacion pa cu e rumbo cu politica ta desaroyando. Mi ta constata cu tin masha hopi oportunismo cu lo percura pa "cannibalismo", fiesta na grandi, tuma lugar. Mi a ilustra kico esaki kiermen pa e nivel di gobernacion cu nos lo bay haya despues di 6 di december.

Bulamento di cura sin splicacion a bira normal. Hende cu a perde trabou pa motibo di buracheria na trabou ta cambia di partido y bay hustamente

pa un di e politiconan mas corrupto cu Aruba a conoce. Otro ta bay riba lista despues cu ela haya decena di permiso. Partidonan grandi tabata tin problema pa haya 29 candidato y djis pone hende riba lista pa yena e lista.

Promesanan na granel sin bisa un solo palabra con ta bay hasi'e. Permisionan pa "cheap laborers" ta wordo duna sin pensa dos biaha. E tsunami di mas di un miyon venezolano na Peru ta causando problema grandisimo. Sin papia di e entrega di nos autonomia pa motibo di mal gobernacion cu nos conoce desde 2009.

P'esey e pregunta grandi y



cardinal ta: "lo bin cambio real" despues di dia 6 di december? Ta vale la pena pa bay vota? Ta muestra cu hopi hende lo bai keda sin vota demostrando asina nan desaprobacion di e cannibalismo cu a hasi su entradat den politica na Aruba.

Motibonan pakiko mi a tuma un decision pa stop. Pero un frase di dr. Martin Luther King ta mane core den mi sinti, cu ta bisa algo asina: "Dia nos keda keto riba cosnan importante, nos bida lo cuminsa caba!"*

DIA 4 DI NOVEMBER TA DIA DI E “ONDERWIJS CONGRES 2024” PA TUR DOCENTENAN DI SKOA - TUR SCOL LO TA CERA PA E DIA AKI



Oranjestad Aruba - Desde aña 2018 SKOA a bin ta ofrece un dia di estudio na tur su docentanan pa asina por sigui traha riba e “Groeï en Ontwikkeling” di su personal completo.

Durante e dia di estudio aki ta ofrece diferente workshops na nos docentenan di Kleuter, Basisschool y Voortgezet. Pa e dia di estudio e aña aki, nos tin varios trainers di Hulanda y alabes nos mesun “in-house professionals” cu lo ofrece diferente workshops na cada nivel di enseñansa. Nos stakeholders nan Fada, DVG & Departamento di Mucha y Hoben tambe lo haci nan presentacion ariba

topiconan importante.

Pa e Onderwijs Congres 2024 nos Keynote speakers ta mr. Maurits de Kort, cu ta e Presidente di e “Gemeenschappelijk Hof van Justitie” na Corsow y Charlene Nectar cu ta un Coach for Performance, Strengths & Results.

E aña aki nos Onderwijs Congres 2024 lo tuma lugar dialuna, 4 di November na Hilton Ballroom. Importante pa tur mayor tene na cuenta cu ariba e dia di estudio aki tur nos 46 scolnan di SKOA lo ta cera.

Alabes cu ta organisa e Onderwijs Congres tur



aña pa tur docente di SKOA, cada scol ariba nan mes tambe ta organisa internamente nan mesun diano di estudio. Esaki ta pa percura cu cada miembro di e team di scol keda activo y ta aligna cu e metanan y vision den enseñansa di SKOA, nan scol y di pais Aruba.

Un di e logronan di mas grandi cu tambe ta enfoca ariba e ampliacion di e conocimiento di nos personal ta e programa

di Erasmus Plus. SKOA desde 2023 ta e prome y unico schoolbestuur na Aruba y den Caribe cu ta oficialmente acredita pa Erasmus Plus. Cu e acreditacion aki tur nos personal ta haña e oportunidad pa bishita un pais cu ta cay bou di Union Europeo pa asina amplia nan conocimiento profesional cu cursonan of jobshadowing na nivel internacional.

Cu e diferente actividadnan

aki SKOA ta keda percura pa e Groei en Ontwikkeling di su personal completo. Engradeciendo cada docente su conocimiento riba nivel personal y tambe profesional. E meta primordial pa keda pusha pa crecimiento ta pa keda hisa e calidad di enseñansa cu nos ta brinda na nos muchanan.

Pa mas informacion por bishita nos website www.skoa.aw of por yama na liña directo 5231800.

Endy Croes:

CAMPAÑANDO DI CAS PA CAS HIBANDO E MENSAHE DI PARTIDO MEP PA PUEBLO DI ARUBA



Endy Croes, candidato number 4 riba prestigioso lista di partido MEP ta campañando fuerte pa sigui comparti e plan y

vision di e partido. Esaki ta por medio di e 7 puntonan cu partido Mep a prepara cu ta cubri tur area pa sigui mehora e

bienestar di Aruba. E 7 puntonan di prioridad pa e periodo nos dilanti:

1. Baha costo di bida
2. ☐ Salud
3. ☐ Enseñansa
4. Mehora e condicionnan ☐ laboral
5. E ☐ pensionadonan
6. E ☐ barionan
7. ☐ Desaroyo sostenibel di balor halto y impacto abou

Endy Croes a comparti e vision aki alabes a scucha cada inkietud di cada ciudadano cu e ta

bishitando. “Mi ta hopi satisfecho con e recepcion ta pa mi persona y pa partido MEP. Nos ta trahando duro pa un mandato cla dia 6 di december proximo,” Endy a enfatisa. Endy Croes ta campañando tur dia y fin di siman pasa a bishita hunto cu su team Endy SI! e bario di Dakota, Paradera, Sabana Basora y a termina cu un excelente Ban Combersa cu Endy na Sero Janchi cerca su amigonan Filipino.

Durante e encuentronan Endy Croes a presenta tur compromiso cu el a realisa den apenas 3 aña cu el a fungi como Minister di Enseñansa y Deporte y a contesta varios pregunta. “Mi ta gradici e famia Filipino, Sr. Nilo Fabrid y esposa y tur presente cu a tuma nan tempo pa scucha tur informacion cu a keda presenta y ta gradici nan pa nan sosten,” Endy a finalisa.

Kick-off Oficial di AVB-NL Department



Dia 23 di oktober a tuma lugar e kick-off oficial di AVB-NL na e tereno di entrenamiento renová di Sparta na Rotterdam. Esaki a tuma lugar den presencia di Minister Plenipotenciario Ady Thijsen, Director Tecnico di AVB David Abdul, e staff di AVB-NL, varios invitado renombra den futbol na Hulanda, y algun Arubiano cu ta residencia na Hulanda. Entre e personalidadnan importante tawata tin miembronan di directiva di Sparta Rotterdam, hoofdjeugdopleider di Sv Excelsior, y e staff tecnico di Spartaan'20. E proyecto aki tin varios año den formacion, cuminsando como un sueño y awe ta bira un realidad pa AVB.

Un año pasa, AVB a bira un di solamente 25 paistan mundial escogi pa e proyecto TDS (Talent Development Scheme) y un FIFA Coach. AVB a presenta na FIFA un di e plannan tecnico estrategico mas fuerte den nos region, segun evaluacion di ambos Concacaf y FIFA. Esaki a duna Aruba un oportunidad unico pa habri un departamento dedica na Hulanda, cu meta pa scout, desaroya, y prepara talentonan cu raiz Arubiano cu ta biba na exterior. Tambe e departamento ta duna respaldo na e hobenan cu ta bay biba Hulanda pa estudio. E meta final? Pa prepara talento Arubano pa hunga pa nos isla, y haci

Aruba mas competitivo den e region di CONCACAF. Ta bon pa menciona cu e departamento aki ta wordo completamente sosteni financieramente door di FIFA cu tin fondonan special pa projectonan asina. Asina FIFA ta hasi posibel pa desaroyo tanto na Aruba como na Hulanda por sigi hunto, dunando mas oportunidad pa nos futbol crese. E AVB-NL Department ta enfoca riba Elite Player Development pa traha cu talentonan hubenil na Hulanda. Bou direccion di Geeta Khemlani, Head di Elite Player Development, e team tecnico ta consisti di Ixora Balootje (coordinador di damas), Reinhard Breinburg y Ronnie Nouwen (coordinadornan pa teamnan O17, O20, y Jong Aruba), y Marlon Dandare (head di scouting). E coordinadornan ta traha cu coaches y scouts cu tin hopi experiencia y ta evaluando y preparando e hubentudnan talentoso pa representacion na torneonan importante manera e Concacaf U17 Men y Concacaf Wom-



ens O20 Championship na februari 2025. E proyecto aki ta trece e lazonan entre e futbol di Aruba y esun na Hulanda mas serca di otro, manteniendo e contactonan mas estrecho y tambe pa hungador cu sali for di Aruba, por wordo atendi debidamente na na yegada. E meta siguiente ta forma e seleccion nacional pa futuro, y yuda nos isla

bira un competidor den e region y asina logra realisa e vision di AVB pa bira un isla importante pa futbol den caribe.

#AVBNL #SmallIslandBigDreams #DesaroyoHubenil #TDS #FuturoArubano #Concacaf #FIFA #ArubaanseVoetbalbond #AVB-NL #HulandaYAruba

FOR SALE - FOR SALE - FOR SALE

Pooltable 9 ft clasico handcrafted excellent condition including all accessories,cover,lamp	
new balls,etc	1900.00
Steel porch set local art uniek excellent conditon	850.00
Metal Storage Cabinet with key 6 ft heightx 3 ft wide	350.00
File cabinet 2 drawer also good to store tools	150.00
Clothes cabinet (muurkast)	75.00
Folding table plastic white 8 ft long	75.00
Table on wheels	75.00
Polaroid one 500 model	50.00
For more info 5972155	

Invitacion: Tur prome diasabra di luna tin misa na Kapel di Alto Vista

Diasabra 2 di november 2024 tin Santo Sacrificio di misa pa tur defunto. Mainta pa 6,15 ta cuminsa e dia cu santo rosario pa tur defunto.

Pa despues pa 7 or ta sigui Santa Misa.

Luna di november nos ta corda especificamente riba nos defuntonan stima.

Nan a bay nos dilanti, nos a keda cu fe cu un dia nos ta topa den reino di Dios. Corda riba bo defunto stima den bo oracion, of hasi un misa pa nan.

Pa e Gran Dia tur hende mester ta prepara pa bay serca Papa Dios, cu un shelo tur na luz, na e porta di su cas E Tata ta wardabo.

Cu Señor su compañe mi por cana sin temor. Papa Francisco ta avisa tur hende pa resa Santo Rosario pa

pidi Tata Dios pa caba cu guerra, maltrato di mucha, bestianan y nos naturaleza y henter humanidad.

Mama Maria a bisa e 3 muchanan di Fatima riba e ultimo dia di aparicion 13 di october, "Ami ta La Birgen di Rosario.

Mi a bini pa spierta hende pa drecha nan bida, no haci Dios bira tristo pa via di pica ya cu Dios ta sufri tanto caba pa pica di hende."

Ban hunto y resa pa humanidad, nos isla chikito pa tin paz den cada cas.

Resultado Interpaso - OCA CU 30 CABAY INSCRIBI, INTERPASO A MIRA ALGUN BATAYA INTERESANTE ENTRE E YEGUANAN



Interpaso a ranca sali diasabra cu Juez Sr. Jaime Camacho di Panama juzgando e categorianan di Paseo di Yegua y Macho. Akinan Jade di famia Solagnier & Kock a sali Mihor Yegua di Paseo, lagando

Acai como Primer Finalista. Den e Macho Diamante, monta pa su donjo Lea Vink a bay cu e titulo maximo. Den cabaynan castrado Rasputin di Brigitte Werleman a keda premia como e mihor Cabay Cas-

trado.

Den e yeguanan di Paso Fino tabata tin algun categoria basta yen y interesante. Den cada categoria ta solamente e cabaynan cu keda na prime y di dos lugar ta pasa pa e Gran Campeonato, pues tin presion pa un bon performance pa por clasifica pa e premio maximo. Akinan e yeguanan a muestra un calidad halto caminda na final di anochi e resultado a keda como lo siguiente:

Gran Campeona: Florentina

Gran Campeona Reservada: Suavidad de la Siberia

Primer Finalista: Miss Aruba de las Piedras

Segunda Finalista: Madasa de Villa Floralina

Tercer Finalista: Rima di Criadero Hermanos Bruin
Cuarto Finalista: Victoria de Villa Floralina

Den e machonan ta Secreto de Magico cu a bolbe triunfa, cu Relampago de Altagracia como Reservado y Insomnio cu a bolbe pista di competencia kedando como Primer Finalista.

Den e cabaynan di modalidad diagonal ta Presumido del Anhelito a keda Gran Campeon, Oasis de los Sauces Campeon Reservado, Bienvenida e Mihor Yegua di Paseo den Trocha,



Hennessy e Gran Campeon di Trocha y Galope.

Den e cabaynan joven Heredero del Rey de Floralina a keda como Campeon Joven den Trocha y Conquis-

tador de Villa Floralina Campeon Joven den Trote y Galope y Refugio de la Mecanica di Famia Pieters e Campeon Joven den Paso Fino.

Clasificados

Icons representing various services: car, house, shopping cart, briefcase, tools, and people.

CLASSIFIEDS

SOLODIPUEBLO@GMAIL.COM
CEL. 585 9500

SOLO De Pueblo

SABIDURIA DEN NOS ALEGRIA


Skirbi pa Ruthy”Lady Ruth” Vrieswijk-Bergen

Shonnan, boso sa cu e di-
anan ta pasa bay laga nos
si nos no hasi bon uso di
nan ? Ya ta casi fin di Ok-
tober pa nos dreña e luna
di November y despues De-
cember pa e dushi celebra-
cionnan di Pascu y fin di
anja. Nos tata Lucas Bergen
a cumpli su di 92 anja di
edad dia 18 di Oktober ulti-
mo, den bon estado di salud
disfrutando di su laptop
ketobay. Nos a bini hunto
den famia intimo pa cele-
bre den un forma simpel
pero hopi dushi y agradabel
cu su yiunan y nietonan cu
por a bin. Algun ta na Hu-
landa y algun tawata trah-
ando, pero a tuma tempo
pa a yama via video call pa
a combersa largo cu nan
Payo , nan welo stima. Nos
tin cu para y pone atencion
y reflexiona riba fechanan
asina bunita, bendiciona y
importante. Nos grandinan
ta nos historia di ayera pa
nos recordanan awe y ma-
yan. Y ta di nos antepasa-
donan mi casa Johan, nos
amigo Ernesto Rosenstand
Jr. y Lady Ruth a combersa
agradabelmente den Cof-
fee House recientemente,
temanman sumamente dushi
y importante pa combersa
di nan. Pero tambe algun
puzzel y dolor di cabez ora
corda na situacionnan un
crenchi dificil y complica
di antes. Pero cu si no ta pa
nan , nos no ta na unda nos
ta awe. Ernesto Rosenstand
e tata (dfm) ta e cabayero
escritor Poeta , cu a pu-
sha nos pa cuminsa skirbi,
locual nos a hasi tambe bas-
ta anja pasa. Ernesto Jr. su
yui homber guapo, un pro-
feshonal correcto inspira cu
hopi sabiduria, ta trahando
riba proyectonan bunita di
e bukinan na Papiamento di
su tata. Pueblo keda pendi-
ente . Y ta den Coffee House
mi esposo Johan y ami,
Ruthy, a bin topa atrobe cu
e dushi pareha cu a marca



e historia di mas dushi na
Aruba, tempo cu Mr. Olindo
Koolman tawata e goberna-
dor di nos dushi isla. Aruba
a stima y ketobay ta stima
e dushi pareha aki, cu Sra.
Dora semper activo riba
tereno caritativo, dunando
tambe e muhenan atencion
cu conseho y mas. Nos ta
corda varios di su char-
lanan cu ela yega di hiba
tambe den Misa. Un pareha
ehemplar di amor, atencion,
carino y hopi carismatico.
No ta pa nada nos dushi
hendenan di San Nicolas y
pueblo ta yama Mr. Olindo
Koolman “The people’s gov-
ernor”.
E dushi hende aki tawata
serca di e curason di nos
tur den pueblo, un repre-
sentante digno di Cas Real.
Lady Ruth ta corda e bunita
“Oranje Balnan” cu e y Jo-
han a atende y tambe e bi-
aha cu Ruthy a fungi como
e Maestra di Ceremonia un
dushi December cu e tema
Pascu, un bunita celebra-
cion di curason na e Cas
di Gobernador di e tempo
ey, Mr. Olindo Koolman.
Danki Olindo y Dora, pa a
laga atras boso “footprint-
snan” bunita di tur locual
boso a hasi pa Aruba den
tur curason, cu te dia di
awe, unda cu boso bay,
ta wordo saluda como “E
gobernador di pueblo”, “The
people’s Governor”. You are
the blessings ! Nos ta con-
clui nos relato di awe cu e
deseo pa nos dushi Aruba
keda calmo y trankil den e

temporada di eleccion nos
dilanti y pa laga pueblo vota
y escoge nan gobierno den
personanan cu tin e capa-
cidad y curason pa traha pa
pueblo. Pa tur cos cana ne-
chi pa asina nos por dreña
den e dushi ambiente di
Pascu y fin di anja. Ban wak
ki sorpresa Sinterklaas tin
pa Aruba dia 6 di Decem-
ber.(Exito cu e campan-
yanan pa informa pueblo di
boso programanan.).
Lo tin repeticion di esnan cu
a traha caba of cu varios di
e nobonan cu tambe ta dis-
puesto pa traha.? Tin varios
persona riba e listanan, ca-
pacita y cu tin hopi amor pa
Aruba sigur !
Ta importante pa tur hende
cu por vota, bay vota. Res-
peta opinion di otro, spe-
cialmente den famia ora tin
parehanan y of yuinan cu
cada un nan mesun pensa-
mento den nan votacion.
Danki pa lesa nos relato di
e siman ki, pasa un bon dia
yen di sabiduria den nos
alegria !
Un “bearhug” grandi diki
gordo pa tur nos grandinan,
nos hobennan y nos chiki-
tinnan.
Ah si ! Pabien na Radio Ga-
lactica FM cu nan tremen-
do Marathon di Oldies 99.9
e siman cu ta tray lomba.
Lady Ruth a goza tur nan
dj nan, pero specialmente
e programanan presenta
pa Joe Hernandez, Jimmy
Oduber, Alexia Werleman y
Rowald Webb. Boso ta mas-
ter !!!



OLIVE TREE'S
PRE-PAID
FUNERAL PLAN

PAY AS YOU CAN

Piedraplat ☎ 582 0000
Sanicolaas ☎ 584 8888 | 5820000
Habri dialuna pa diabierna | 8:00am-4:00pm

Olive Tree Social Department ☎ (+297) 743 7411
www.olivetreefuneralhome.com

ORACION DI DIA

**Un feliz dia bendiciona colma
cu hopi amor, fe y speransa den
nos Bon Dios**

Despues di un rato e cria a bisa su shon: 'Señor a
cumpli cu bo ordo,
ma toch a sobra luga!' (Lucas 14: 22)

Nos ta forma un solo curpa pa medio di nos union
cu Cristo y nos ta uni mescos cu partinan di un
solo curpa (Rom. 12: 5). E cria lo a haya duele ora
prome invitadonan a nenga. Asina mes el a sigui
cumpli cu ordo di su shon y aunke el a cumpli toch
a sobra luga. Esaki ta muestra cu e ta persevera y
cumpli cu zelo cu su shon y ta na paz. Nos tin cu
traha pa, y sirbi Señor cu zelo (Rom. 12: 11). Pero,
Señor tin mas luga, pues e capacidad pa invita-
donan pa e reino di Dios ta surpasa e expectativa
di cada un di nos. Hesus ta siña nos pa cumpli cu
ordo di Tata. Aunke nos por pasa den tribulacion
y perseverancia, oracion constantemente ta yuda
paso e speransa cu nos tin lo haci nos contento
(Rom.12: 12). Paso cerca Señor nos ta na paz
manera un yiu cerca su
mama (Salmo 131).
Oracion: Señor regala nos gracia pa nos comparti
donnan conforme Bo
boluntad y biba den harmonia cu otro.
Amen.

Parlamentario Shailiny Tromp-Lee (MEP):

Felicitando Fundacion Movimiento ta Bida pa nan tremendo logro



Ayera 28 di oktober 2024 a tuma luga un dialogo constructivo entre Parlamento di Aruba y Fundacion Movimiento ta Bida, ganador di e prestigioso premio Appeltjes van Oranje 2024. Nos ta felicita Fundacion Movimiento ta Bida pa nan

tremendo logro y pa e bunita trabou cu nan ta haci pa nos grandinan. E fundacion ta un ehempel inspirador di compromiso y dedicacion pa mehora e calidad di bida di nos grandinan. Durante e reunion, Funda-

cion Movimiento ta Bida a presenta nan plan di trabou pa periodo 2025-2028, cu hopi enfoke riba cumpli cu e necesidad y reto nan cu nos grandinan ta enfrenta. Mi persona a expresa cu Presupuesto 2025 di pais Aruba no a keda trata ni aproba ainda y cu lo bay duna atencion na e retonan menciona durante e reunion y wak kico ta posibel pa incorpora ainda den e presupuesto pa 2025 dado caso esaki no a tuma lugar caba.


Mi ta lamenta cu solamente un miembro di oposicion tabata presente na e reunion, caminda a trata puntonan di importancia pa bienestar di nos grandinan. E falta di interes den un topico tan vital ta remarcabel, mirando cu e mesun miembronan ausente ta expresa cu bienestar di nos grandinan ta un prioridad pa nan.

Ta mi compromiso pa sigui traha pa yudansa y sosten na e comunidad di nos grandinan y pa busca hopi mas cooperacion pa sigui sostene e trabou valioso di fundacionnan manera Movimiento ta Bida.




	3					5	6	
1			6					
		5	8			9	1	
9								
								5
	8	1			2	3		
					9			2
	5	9					4	


	7			2			4	6
	6					8	9	
2			8			7	1	5
	8	4		9	7			
7	1						5	9
			1	3		4	8	
6	9	7			2			8
	5	8					6	
4	3			8			7	




Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - October 31, 2024




Sorteo # 4435
1799
9387
0213




FP
BIG 4
Sorteo # 4435
1076




FP
10FF
Sorteo # 2491
0738



Sorteo # 4435
4776
Scorpio




Sorteo # 1309
600
X2




Sorteo #
0 x Jackpot
0 x Match 4+
0 x Match 4
0 x Afl. 12,00

Joker Letter
Proximo Jackpot
120.000,-




Sorteo #
0 x Jackpot
0 x Match 4
0 x Afl. 8,00

Proximo Jackpot
53.000,-




Sorteo #
0 x Jackpot
0 x match 4
0 x Afl. 500,00
0 x Afl. 50,00
0 x Afl. 15,00

Mega Ball
Proximo Jackpot
270.000,-




Sorteo #

Afl. 370.000,-



Sorteo #



“Señor ta mi wardador, mi’n tin falta di nada; Den cunucu di yerbe berde E ta pone mi sosega. E ta hibami na awa trankil, pa i bolbe haña forsa.”

Salmo:23

Cu gratitud enorme pa tur locual ela significa pa nos, nos tin e tristo deber di anuncia e fayecimento di nos kerida tata, welo, bisa -welo, ruman y omo stima:

Ismael “Esy” Maduro

Mihor conoci como Esy,
Ex taxista 299 y ex propetario di Suerte Kwihi Inn



Na number di su:
Yiunan:
Ithel J. Maduro
Nigel I. Maduro
Sharrisma y Giovanni Boekhoudt-Maduro
Shannon Maduro

Ex casa Lillian (Lilly) de Cuba y Siegfried (Tito) Thiel y famia

Nieto y Nietanan:
Shannelyn Maduro y Guillermo De’lisle
Roshanne Maduroy Andre da Silva
Shanna Maduro y Shenald Croes
†Shavienne Boekhoudt
Giovanella Boekhoudt

Bisa Nieto y Nietanan
Shane, Guishonne, Franciënne, Savannah, Shanedy y Nayron,

Rumannan
Jacintha (Chenta) y Mario Kelly- Maduro y famia
Cecilia (Sila) y Rodolfo (Dolfi) Herrera Maduro y famia
Edwin y Mercedes Maduro-Raaz y famia
Carlito (Alin) y Isidora Maduro-Kelly y famia
Andresito (Dries) y Annie Maduro-Hernandez y famia
†Carlos (Alul) y †Carolina Maduro-Apitz y famia
†Basilio (Chimbo) y Vda. Cecilia (Silia) Maduro-Arends y famia
†Antonio (Sai) y Vda. Elena Maduro Croes y famia
†Margarita (Magriet) y †Rosario Werleman y famia
†Juan (Chito) y Vda. Faustina (Tina) Maduro-Bislip y famia
†Arturo (Buchi) y †Candelaria Maduro-Maduro y famia

Sobrino y Sobrinnan cercano di cas:
†Lucia Ras-Werleman, Ina y Ramiro Dubero, Rita y Richard Lopez-Henriquez, Sira Werleman, Ivan Kelly y Ana Perez, Juliska y Patrick Werleman, Jairo Kelly y Sefanja, †Raymundo y Jacqueline Werleman- Ruiz, Dario Herrera, Nuirca Herrera y Tino Kelly, Milca y Wieger Jonker.

Tur su Ihanan, sobrino y sobrinanan, primo y primanan y bon bisiñanan.

Amigo y amiganan di cas:
Fan Flanegin y famia
Riri Botta y famia
Enid y Josef Croes- de Cuba
Milo Ras y famia

Demas famia Maduro, de Cuba, Boekhoudt, Kelly, Werleman, Dubero, Holtrop, Bracelly, Ras, Herrera, Farro, Banfield, Wever, Giel, Croes, De’lisle, Jonker y Dirksz.

Ta invita pa asisti na e despedida cu lo tuma lugar, diasabra,
2 di november 2024 na “Aurora Funeral Home” na Cumana.

For di 2’or pa 4’or di atardi e restonan mortal di nos tata stima lo ta reposa,
despues lo sigui response y acto di cremacion.

Despensa nos si pa un motibo of otro den nos tristeza nos por a
lubida un persona of famia.
Nos no ta recibí bishita di condolencia na cas.

OE AZV ta informa:
**Yegando etapa final di e
destaho publico di cuido
medico den exterior**

Ta un placer pa Organo Ehecutivo AZV (OE AZV) informa su aseguradonan cu e team encarga cu e negociacion di contractonan nobo cu clinicanan di Colombia ta casi yega e ultimo etapa di e destaho publico. E trayectoria di escogencia di e clinicanan a keda concretisa pa medio di tres punto di atencion principal, esta:

- 1. Calidad medico;
- 2. Eficacia di proceso, incluyendo e experiencia di pashent na Colombia e.o e tempo di espera pa haya afspraak.
- 3. Finanzas.

Banda di e tres puntonan aki, cada clinica por a “score” extra punto na momento cu nan oferta ta encera solucionnan creativo pa por ehempel tarifa, cierto situacionnan medico di pashent, estilo di maneho y descuento di tarifa. Pa percursa cu OE AZV haya mas sosten posibel den nan escogencia di clinica, a busca un auditoria obhetivo tambe pa verifica e proposicionnan (ofertanan) financiero e.o basa riba casonan medico real.

Bishita di Colombia
Entre tanto, basa riba analisis extenso AZV a haci su escogencia. Recientemente nos a haya bishita di tres clinica di Colombia cu a keda selecta, esta Fundacion Valle de Lili (Cali), Hospital Pablo Tobón Uribe (Medellín) y Fundación Cardioinfantil (“La Cardio”, Bogotá). Durante e bishita cada cli-


nica a haya e oportunidad pa duna nan presentacion y intercambia informacion clave tocante nan servicio y oferta. Pa haci miho uzo di e presencia di e clinicanan Colombiano na Aruba, OE AZV a percursa pa un agenda di actividad cu tabata encera diferente bishita na entre otro Horacio Oduber Hospital y ImSan. Asina a brinda cada clinica Colombiano e oportunidad pa nan tambe haya un miho bista di kico tur e infraestructura medico di Aruba tin y ta ofrece. Mester menciona cu OE AZV a ricibi hopi elogio ya cu e clinicanan Colombiano a keda impreciona cu loke Horacio Oduber Hospital y ImSan tin.

Encuentro fructifero
Otro experiencia hopi interesante tabata e encuentro entre e expertonan di Colombia y e specialistanan medico di Aruba. Hopi bunita tabata pa wak e interes grandi di e gran mayoria di e specialistanan medico di Aruba. E encuentronan aki a conta cu e presencia di e ramo di oncologia, cardiologia, pediatria, oftalmologia, urologia, ortopedia y e especialista di stoma, higra y tripa. Actualmente e negociacion entre OE AZV y e clinicanan ta andando den cual e ultimo revisionnan lo por wordo haci pa ambos parti, cu e meta pa firma pa fin di november. Pa OE AZV ta nifica cu entrante 1 di januari 2025 ta spera pa cuminsa traha cu e clinicanan aki.



Caminda Dios ta, ey mi kier biba.
Señor ta mi luz y salvacion, di ken mi lo tin miedo?
Señor ta Fortaleza di mi bida, pa ken lo mi tembla?
-Salmo: 27

Conforme cu boluntad di Dios, nos ta participa
fayecimento di:



Freddie Ruiz
*22-12-1947 – †26-10-2024

Na number di su:	
Esposa:	†Ika Ruiz
Yiunan:	†Rena Ruiz Zairo y Shayni Ruiz
Nieto stimá:	Kai Ruiz
Rumannan:	Harold y Aura Ruiz Maikito Ruiz Mirtha Ruiz Juni y Carla Ruiz Andy Ruiz Marian y Alvaro Ramirez Esther y †Ruben Diaz -Ruiz
Sobrina y sobrinonan:	Micheal, †Juni, Mitchel, Michell, Alexander, Ivan, Gwenny, Christy, Chris, Victor, Vladimir, Pacho, Gonzalo, Cyrielle y nan famia
Sua y Cuñanan:	†Annie y Ceril Jansen-de Mey y famia †Walti y Alida De Mey y famia †Rufi de Mey y famia †Livia y †Rufo Lampe-de Mey y famia
Consuegra:	Melushka de Haseth
Tanta y omonan, primo y primanan, demas famia Ruiz, tur su amigonan den mundo di Drag Racing, amigonan di Urataka Center, O's Tavern, amigonan y staff di Stichting H.O.P.E y demas conocirnan.	
Si encaso den nos tristeza, nos por a lubida algun persona of famia, nos ta pidi disculpa.	
Acto di entierro lo tuma lugar Diabierna 1 di november 2024 di 9'or pa 11'or di mainta na Aurora Funeral Home.	
Despues lo sali pa Santana Catolico na Paradera.	

C-INNOVA KAS CONSTRUCCIÓN

ta buska PAINTERS,
AYUDANTE CONSTRUCTION
Y CARPENTERS
solamente cu
PASSPORT HULANDES OF
FIRMALIBER Y PERMISO PA TRAHA

TEL.7341168 - 5940486
TANKILEENDERT 37-A

Clasificados





SOLODIPUEBLO@GMAIL.COM
CEL.585 9500




MARAVILLAS DE LA FE


SALUD

- BO TA SUFRI DI MALESA NAN CU BO NO POR CURA ?
- MANERA ARTROSIS, ALZAHEIMER, EMENCIA ,
DEPRESSION ,DIABETES, OSTROPOROSIS, PARKINSON,
INSOMNIO,DOLOR DI BARIGA,WESO.ETC
- BO TA BEBE REMEDIY BO NO TA CURA?
- BO TA VICTIMA DI BRUHERIA?
- COMUNICA CU MARAVILLAS DE LA FE NA 7485671
- BO NO TIN SUERTE?
- BO SEN NO TA YEGA ?
- BO TA BAI CASINO I PERDE TUR BO PLAKA?
- COMUNICA CU NOS NA 7485671
- BO TIN PROBLEMA DI AMOR ?
- BO PAREHA TA GANA BO ?
- FRACASO - SOLEDAT - ANGUSTIA

SUERTE

AMOR



**7485671**

“Señor ta mi wardador, mi n’tin falta di nada; Den cunucu di yerba berde, E ta ponemi sosega.
E ta hibami na awa tranquil, Pa mi bolbe haña forsa. Salmo 23: 1, 2, 3

Cu dolor na nos curason pero conforme cu boluntad di Dios, nos ta anuncia fayecimento di nos Casa, Ruman y Omo stima:

Antonio Obispo Maduro

Cariñosamente yama:
“Tony” of “Mo tony”
*09 Januari 1945 - †25 October 2024



Na number di su:
Casa: Lilia Maduro-Arends
Rumannan:
†Efraim y Maria Luisa “Lu” Tromp-Vasquez y famia
Maria y †Gerrit van Dijk-Maduro y famia
Imelda y †Arie Hernandez-Maduro y famia
†Alda Maduro y famia
Juany y Mervin Maduro-Croes y famia
Bea Maduro y famia
Oncha y Henry Garcia-Maduro y famia
Jacinta y †Richard Shaw-Maduro y famia
†Ella y Ton Keeven-Maduro y famia
Pablo Maduro
Cathy Maduro
Ivan Maduro
Danny Maduro

Iha: Nadia Maduro y yiu

Manera yiu:
Ulrick Thijzen
Anabella Campbell-Maduro y famia

Swa y Cuñanan:
†Jorge y †Ruth Arends-Odor y famia
Everaldo y Sally Arends-Frans y famia
Feliciano y Jane Arends-Arends y famia
†Rita y †Pedro Yarzagaray-Arends y famia
†Edwin y †Olga Arends-Leo y famia
Yolanda Arends
Lidia y Den Thijzen-Arends y famia

Sobrino y sobrinanan, Primo y primanan cual ta hopi pa menciona.
Amigonan di cas:
Wijkie de Cuba
Karel Nicolaas
Miguel Maduro

Demas Famia: Maduro, Arends, Tromp, Vasquez, van Dijk, Hernandez, Croes, Garcia, Shaw, Keeven, Odor, Frans, Yarzagaray, Thijzen, Leo, Campbell, Vingal y v/t Pad Bosch.

Ta invita demas Famianan, Bisiñanan, Amigo(a)nan, Grupo di Oracion Divino Misericordia, Koor di Nove Cantores Savaneta y conocirnan pa asisti na e acto di entierro cual lo tuma lugar Diabierna, 01 di November 2024 for di 9’or pa 11’or di mainta na Ad Patres Funeral Home & Crematorium na San Nicolas.

Despues nos lo sali cu nos defunto stima pa Santana San Hose na Savaneta.

Nos ta lamenta cu despues di entierro, nos no lo por ricibi bishita di condolencia na cas.

Staff y personal di Ad Patres Funeral Home & Crematorium ta extende nos mas profundo condolencia na famia di e fayecido.